

Ս. Ալիխանյան

Վ. ՏԵՐՅԱՆԸ ՀՈԿՏԵՄԲԵՐՅԱՆ ՍՈՑԻԱԼԻՍՏԱԿԱՆ ՄԵԾ ՌԵՎՈԼՅՈՒՑԻԱՅԻ
ԳԱՂԱՓԱՐՆԵՐԻ ՊՐՈՊԱԳԱՆԴԻՍՏ

Հոկտեմբերյան սոցիալիստական Մեծ ռեվոլյուցիան շրջադարձային կետ հանդիսացավ մարդկության պատմության մեջ: Նա ճեղքեց իմպերիալիզմի շղթան կապիտալիստական ամենախոշոր երկրներից մեկում՝ Ռուսաստանում, իշխանությունը հանձնեց պրոլետարիատին և պատմական կարճ ժամանակաշրջանում վիթխարի վերափոխումներ կատարեց ժողովրդի կյանքի բոլոր բնագավառներում: Հոկտեմբերյան ռեվոլյուցիան փշրեց առգային ճնշման շղթաները, ոչնչացրեց աղգային ճնշման տնտեսական ու քաղաքական հիմքը:

Տերյանը Հոկտեմբերյան մեծ մարտերի մասնակից էր: Ավրորայի համադարկերի բոցերում նա տեսավ իր երկրի փրկության և ազատագրության լույսը: Բարիկադային մարտերի, զնդակների տարափի տակ շտապեց Մոսկնի, Լենինի մոտ և պրոլետարական ռեվոլյուցիայի մեծ ստրատեգին՝ Վ. Իլյինսկիին հայ ժողովրդի ողբերգական վիճակի ու իղձերի մասին:

Վ. Տերյանը որպես Ազգությունների գործերի ժողովրդական կոմիտեի անդամ առաջին աշխատակիցներից մեկը, որպես Հայկական գործերի կոմիտեի տեղակալ, խոշոր աշխատանք է կատարել: Նա իր ամբողջ գիտական միտքը, ստեղծագործական տաղանդը նվիրաբերեց Հոկտեմբերյան ռեվոլյուցիայի մեծ գաղափարները հայ աշխատավորության մեջ պրոպագանդելու գործին:

Մենք այս հոգիվածում կանգ ենք առնելու Տերյանի մի քանի աշխատությունների վրա, որոնցում նա հայ աշխատավորության մեջ պրոպագանդում է Հոկտեմբերյան ռեվոլյուցիայի և նրա մեծ ստրատեգ Լենինի վեհ գաղափարները:

* * *

Վ. Տերյանը 1917 թ. նոյեմբերին Լենինի և Ստալինի հանձնարարությամբ գրեց «Զեկուցագիր Թուրքահայաստանի մասին», 1918 թ. առաջին կեսին՝ Հայկական գործերի կոմիտեի անդամի պատվով՝ «Նամակ հայ գյուղացիներին և բանվորներին» կոչը, 1919 թ. սկզբին՝ «Ինչ է ասում Լենինը գյուղացիներին» բրոշյուրը: Այդ աշխատություններում նա հայ ընթերցողներին հստակորեն բացատրում է Ռուսաստանում կատարված պրոլետարական ռեվոլյուցիայի նշանակությունը, նրա դերը Ռուսաստանի ժողովուրդների և հատկապես հայ ժողովրդի ազատագրման գործում:

«Ինչ է ասում Լենինը գյուղացիներին» աշխատությունը գրելիս,

Տերյանը հանդես է բերել ոչ միայն քաղաքական կյանքի կնճռոտ հարցերի խորը իմացություն, բուլճերիկների պարտիայի ադրարային քաղաքականության պարզ ու հստակ ըմբռնում, այլև հայ գյուղացու համար մատչելի, հասկանալի բառերով շարադրելու հիանալի կարողություն:

Բրոշյուրի առաջին մասում հեղինակը հայ գյուղացիներին ծանոթացնում է Ռուսաստանի բանվորների և աշխատավոր գյուղացիների արմատական շահերի արտահայտիչ և պաշտպան՝ Կոմունիստական պարտիայի և նրա հանճարեղ առաջնորդ Վ. Բ. Լենինի հետ:

«Լենինի անունը անշուշտ լսած կաս, ընթերցող,—գրում է նա,— և դա զարմանալի չէ,—այժմ Ռուսաստանում դժվար է գտնել այն աշխարհքից բեխարարին, որ Լենինի մասին լսած չլինի»¹:

Այսպես սկսելով իր զրույցը հայ գյուղացիների հետ՝ պրոլետարական ռեվոլյուցիայի մեծ առաջնորդ Լենինի մասին նա միաժամանակ նախազգուշացնում է հայ գյուղացիներին այն ստի, կեղծիքի և զրպարտության առթիվ, որ տարածում են Լենինի մասին «հասարակ ժողովրդի, գյուղացիների և բանվորների ռիսերիս» թշնամիները՝ փողատերերը ու հողատերերը:

Տերյանը բոլորի համար հասկանալի լեզվով բացատրում է, թե ովքեր են բուլճերիկները, ով է Լենինը և ի՞նչ են ուզում ու ասում բուլճերիկները և նրանց մեծ առաջնորդ Լենինը:

«Բուլճերիկներն» կուսակցության իսկական անունն է՝ «Ռուսաստանի Կոմունիստական կուսակցություն» (բուլճերիկների, այսինքն՝ մեծամասնություն), Դա բանվորական կուսակցություն է, այսինքն՝ այդ կուսակցությունը բանվորների օգուտն է պաշտպանում:

Եթե դու վերցնես այդ կուսակցության ծրագիրը, կամ այդ կուսակցության հրատարակած գաղթը կամ գիրքը, բոլորի վրա կդնես հետևյալ խոսքերը՝ «Պրոլետարներ (այսինքն՝ չունեորներ, բանվորներ) բոլոր երկրների, միացե՛ք: Եվ իրավ, որ այդ կուսակցությունը բոլոր բանվորների, բոլոր չունեորների կուսակցությունն է, այսինքն՝ բանվորների, հողազուրկ ու հող քիչ ունեցող կամ մշակութուն անող գյուղացիների կուսակցությունն է»²:

Այս գրքում նախ ցույց է տրված, որ Կոմունիստական պարտիան բանվոր դասակարգի և գյուղի կիսապրոլետարական խավի՝ բատրակների ու չքավոր գյուղացիների պարտիան է, նրա առաջավոր և գիտակից ջակատը, աշխատավորների ազատագրության համար մղվող պայքարի կազմակերպիչն ու առաջնորդը: Նշված է պարտիայի ինտերնացիոնալ լոնդոնյան ընդգծված է, որ պարտիան իր շարքերում միավորում է Ռուսաստանի բոլոր ազգությունների ռեվոլյուցիոն բանվորներին և աշխատավոր գյուղացիներին:

Ահա, — մատնանշում է Տերյանը, — այդ չունեոր բանվորների և չունեոր գյուղացիների պարտիան է, նրանց միությունն է բուլճերիկների Կոմունիստական պարտիան, որի ամենաազնիվ ու ամենազխալուք առաջնորդն է Լենինը, դրա համար էլ շատերը բուլճերիկներին լենինյաններ էին անվանում:

¹ Վ. Տերյան, Երկեր, հատ. 4, 1925, էջ 298:

² Նույն տեղում, էջ 299:

Տերյանը, ինչպես այս, այնպես էլ մյուս աշխատություններում Լենինի մասին խոսում է հիացմունքով և ջերմ սիրով: Լենինի նկատմամբ իր հիացմունքը նա հաղորդում է հայ աշխատավորությանը և ցույց տալիս, որ Լենինը ոչ միայն ունի բանվորների ու գյուղացիների, այլև աշխարհի բոլոր ճնշվածների ու կեղեքվածների մեծ բարեկամը և հանճարեղ առաջնորդն է:

Նա անձամբ մի քանի հանդիպումներ է ունեցել Լենինի հետ և հիացած էր Լենինի հմայքով:

«Լենինը շատ պայծառ է և զարմանալի»¹. այսպես է նա արտահայտել Լենինի մասին իր անհուն սերը և հիացմունքը:

Տերյանը խոսում է նաև մյուս երկրների կոմունիստական պարտիաների մասին:

«Եվ բոլոր երկրներում բանվորներն ու չունեորները միանում են, մտնում են այդ կուսակցության մեջ և հետո այդ կուսակցության զանազան երկրներում գտնվող ճյուղերը միանում են ու կազմում մի հսկայական միություն, որի անունն է Ինտերնացիոնալ, այսինքն՝ բոլոր բանվորների և չքավոր գյուղացիների, չունեորների կամ ուրիշ խոսքով պրոլետարների միջազգային միություն»²:

Այս բրոշյուրը, ինչպես նշվեց վերևում, Տերյանը գրել է 1919 թվականի գարնանը, երբ կոմունիստական Յ-րդ Ինտերնացիոնալը արդեն հիմնադրված էր: Այդ պատճառով նա ցանկանում է, որ հայ աշխատավորությունը իմանա նաև կոմունիստական Յ-րդ Ինտերնացիոնալի մասին:

Ընդգծելով պրոլետարիատի դասակարգային և ռեվոլյուցիոն պայքարի ու շարժումների միջազգային բնույթը, Տերյանը ցույց է տալիս, որ բանվորների և գյուղացիների շահագործումը տեղի ունի բոլոր երկրներում, աշխարհի բոլոր մասերում, որ «աշխարհի բարիքները վախելողները», բոլոր երկրների «հողատերերը և փողատերերն են», Ֆաբրիկատերերը և գործարանատերերը:

Տերյանը ցույց է տալիս, որ Լենինի հիմնադրած և կոփած կոմունիստական պարտիան, որն ունի ավելի քան քսան տարվա հերոսական պատմություն, պայքար է մղում ընդդեմ այդ «հողատերերի», «փողատերերի» տիրապետության, հանուն աշխատավորության ազատագրման:

Անցնելով կոմունիստական պարտիայի նպատակների բացատրմանը, Տերյանը մատնանշում է, որ բանվորների ու չքավոր գյուղացիների պարտիայի անդամները կոմունիստ են, այսինքն՝ նրանք ցանկանում են «աշխատանքի գործիքները — մեքենաները, ֆաբրիկաներն ու ղավողները և բոլոր հողը ընդհանուր սեփականություն լինի, այսինքն՝ համայնական լինի և ոչ թե առանձին մարդկանց սեփականություն»³:

Կոմունիստները ցանկանում են, որ ունեորները, որոնք աշխարհում փոքրամասնություն են կազմում, այլևս չիշխեն, չհարստահարեն գյուղի և քաղաքի աշխատավորներին, որոնք կազմում են աշխարհում բնակչության մեծամասնությունը:

«Կոմունիստներն ուզում են, որ իշխանությունը այդ մեծամասնության ձեռքն անցնի, այսինքն՝ բանվորների ու գյուղացիների ձեռքն

¹ Վ. Տերյան, Երկեր, հատ. 4, էջ 309:

² Նույն տեղում, էջ 301:

անցնի, որպեսզի նրանք այնպիսի կարգեր հաստատեն աշխարքում, երբ մարդը մարդու արյուն չթափի, երբ մարդը մարդու ճորտը չլինի, երբ ոչ թե մեկն աշխատի ու կիսաքաղց նստի, իսկ մյուսը պարապ-սարապ ման գա ու վայելի աշխարհի բոլոր բարիքները, այլ ընդհակառակը՝ երբ բոլորը կաշխատեն և բոլորն էլ կվայելեն իրենց աշխատանքի պտուղը. երբ չի լինի աղա ու ճորտ, երբ մարդիկ բոլորն ազատ ու հավասար կլինեն»¹:

Տերյանը միանգամայն պարզ և հստակ բնութագրել է սոցիալիզմի հիմնական սկզբունքները և հայ բանվորներին ու գյուղացիներին պարզաբանել է Կոմունիստական պարտիայի խնդիրները բանվորների և գյուղացիների կողմից իշխանությունը նվաճելուց հետո:

Նա պահանջում է բարձրացնել աշխատավորների դասակարգային գիտակցությունը և զգոնությունը, կոչ է անում չխարվել «փողատերերի» և «հողատերերի» խորամանկություններից և «քաղցր խոսքերից», ավելի համախմբվել Կոմունիստական պարտիայի շուրջը, ավելի ամրապնդել աշխատավորների միասնությունը, գիտակցելով, որ մասսաների ուժը պարտիայի շուրջը համախմբվածության և միասնության մեջ է, որ «Մարդիկ մեկ-մեկ որ դուրս գան, ուժ չունեն, բայց ճշմարիտ է ասված, թե—գեղը կանգնի՝ գերան կկոտրի»²:

* * *

Տերյանը թի՛նչ է ասում Լենինը գյուղացիներին» բրոշյուրի երկրորդ բաժինը հատկացրել է 1917 թ. բուրժուա-դեմոկրատական ուսույցիայի ընթացքի և բնույթի վերլուծությանը, ժամանակավոր բուրժուական կառավարության իմպերիալիստական քաղաքականության մերկացմանը, ինչպես նաև ցույց է տվել էսերո-մենշևիկյան, մանրբուրժուական համաձայնողական պարտիաների դավաճանությունը բանվոր դասակարգի և ողջ աշխատավորության շահերին:

Հետևյալ դիպուկ խոսքերով է նա նկարագրել էսերների և մենշևիկների համաձայնողականությունն ու վերասերումը իմպերիալիստական բուրժուազիայի կամակատարներին:

«Բայց այդ վեց նոր միևնույններն այն տեսակի սոցիալիստներից էին, որոնք ուզում են գայլին ու գառին հաշտեցնել ու համաձայնեցնել, ուզում են աղային ու ճորտին միացնել: Բա անհնար բան է, ընթերցող, և իսկական սոցիալիստը այդպիսի բան չի մտածի, որովհետև գիտի, որ ոչ գայլն ու գառը կհաշտվեն, ոչ ջուրն ու կրակը: Իսկական սոցիալիստը գիտե, որ չի կարելի ջուր ու կրակ իրար խառնել — կամ կրակը կմարի, կամ ջուրը կչորանա. նրանք գիտեն, որ կամ գառը պիտի սաղ մնա, կամ գայլը քաղցած — ուրիշ կերպ չի լինի: Իսկ նոր միևնույնները, որ իրանց սոցիալիստ էին անվանում, ուզում էին անհաշտելին հաշտեցնել, բայց վերջը հողատեր և փողատեր միևնույնների խելքին հարմարվեցին ու նրանց կամակատարը դարձան»³:

¹ Վ. Տերյան, Երկեր, հատ. 4, էջ 301:

² Նույն տեղում, էջ 303:

³ Նույն տեղում, էջ 305—306:

Տերյանը ցույց է տալիս, որ ժամանակավոր կառավարությունն իր գոյության ամբողջ ընթացքում, սկսած Միլյուկովից մինչև Կերենսկին, Ծերեթելին և Ջերնովը չլուծեցին և չէին ցանկանում լուծել հողի հարցը, որ ժամանակավոր կառավարությունը խուլ մնաց ժողովրդի կենսական այդ պահանջի առթիվ։ Նրանք խաբում էին ժողովրդին հողի հարցի լուծումը կապելով Սահմանադիր ժողովի հրավիրման հետ, իսկ Սահմանադիր ժողով հրավիրելու մասին շաղակրատելուց բացի, գործնական ոչ մի քայլ չէին անում այդ ուղղությամբ։

«... Կերենսկին և հողատեր ու փողատեր մինիստրները ժամանակավոր կառավարության մեջ են մտել և ուղում են ժողովրդի քթից բռնած մանածել։ զրա համար բոլշևիկներն սկսեցին պահանջել ժամանակավոր կառավարությունից, որ անմիջապես կարգադրություն անի և պամեշչիկների հողերը տա գյուղացիներին՝ առանց Հիմնադիր ժողովին սպասելու։ Բայց հենց որ հողի մասին խոսք էր բացվում, ժամանակավոր կառավարությունը խոսքը կտուրն էր քցում կամ նորից իր երգը երգում — սպասեցեք, Հիմնադիր ժողովը կդումարվի և այդ ժողովը կվճռի խնդիրը — ուրիշ խոսքով՝ «համբերի՛ր ձի, գարուն կուգա յոնջա կրուսնի»։ Եվ այդպես խաբ-խրքելով ժամանակավոր կառավարությունը չէր ուղում հողատերերի շահին դիպչել։ Նրանցից հողը խլել ու գյուղացիներին տալ և ոչ էլ Հիմնադիր ժողով էր գումարում»։

Տերյանը, ղեկավարվելով պարտիայի 1917 թ. ապրիլյան կոնֆերանսում ագրարային հարցի վերաբերյալ Լենինի ղեկուցման առթիվ ընդունված որոշմամբ, որը վերաբերում էր կալվածատիրական հողերը կոնֆիսկացիայի ենթարկելուն, մեջ է բերում Լենինի այն միտքը, որ ամբողջ հողը, առանց բացառության, ամբողջ ժողովրդի սեփականությունը պիտի դառնա։

Հայտնի է, որ ժամանակավոր կառավարությունը, ինչպես նաև էսերները և մենշևիկները ունեց բարձրացրին բոլշևիկյան պարտիայի այն կոչի վեմ, որ գյուղացիական կոմիտեները անհապաղ պետք է հողը բռնագրավեն կալվածատերերից։ Նրանք բոլշևիկների այդ կոչը անվանեցին ապօրինություն և անկարգություն։

Լենինը գյուղացիական ղեկուստատների 1-ին Համառուսաստանյան համագումարում արտասանած ճառում, պատասխանելով կալվածատերերի կամակատարների բարբաջանքներին, ասում է.

«Մինչև օրս այնպես են կարծել, թե կարգն ու օրենքը՝ դա այն է, ինչ հարմար է կալվածատերերին ու չինովնիկներին, իսկ մենք պնդում ենք, թե կարգն ու օրենքը այն է, ինչ հարմար է գյուղացիության մեծամասնությանը»։

Տերյանը, բերելով Լենինի մտքերը, ցույց է տալիս, որ իսկական կամայականությունն ու ստրկացումը եղել է և մնում է կալվածատիրական հողատիրության վրա հենվող կամայականությունը և ստրկացումը։ Նա հատուկ են օգտագործելով Լենինի բերած տվյալները, նշում է, որ Ռուսաստանում հողի մեծ մասը պատկանում էր կալվածատերերին։

1 Վ. Տերյան, Երկեր, հատ. 4, էջ 304-305.

2 Վ. Ի. Լենին, Երկեր, հատ. 2, էջ 202.



Այսպիսով, Վ. Տերյանը անգլո-ամերիկյան իմպերիալիզմի գործակալ գաղնակցության արյունոտ դիկտատուրայի ճնշման տակ գտնվող հայ բանվորներին ու գյուղացիներին բացատրելով թուլեկիների պարտիայի և նրա մեծ առաջնորդ, Լենինի վերաբերմունքը հողի հարցում, ցույց տալով հայ աշխատավորության ավագ եղբայր՝ ռուս բանվորների և գյուղացիների հերոսական պայքարը հանուն Սովետական իշխանության, կոչ էր անում հայ բանվորներին ու գյուղացիներին՝ հետևել իրենց ավագ եղբոր ռուլյուցիոն օրինակին, մտնել թուլեկիների պարտիայի մեջ ու նրա ղեկավարութեամբ իրենց ձեռքը վերցնել իշխանությունը, հողը և դարձնել համաժողովրդական սեփականություն:

«Բանվորներն ու գյուղացիները պիտի միանան ամեն տեղ, մտնեն թուլեկիների կոմունիստական կուսակցության մեջ, ընտրեն իրենց մարդկանց ու հողն էլ, իշխանությունն էլ իրենց ձեռքն առնեն»¹:

* * *

«Ի՞նչ է ասում Լենինը գյուղացիներին» աշխատության երրորդ եզրափակիչ գլխում Տերյանը շարադրում է Լենինի հանճարեղ կանխատեսումը հողի հանրային օգտագործման մասին և հետո բացատրում այդ բարդ հարցը, հարադատ մնալով Լենինի գաղափարներին:

Հողը կալվածատերերից վերցնելը և ազգայնացնելը արդյոք նշանակում է, թե հողը կանցնի աշխատավորներին: Ոչ, չի նշանակում: Բա միայն նշանակում է ազատ աշխատանք ազատ հողի վրա:

Տերյանը, օգտագործելով Լենինի բառերը, հողի օգտագործման այս սխեմայի վրա համարում է ազատ աշխատանք ազատ հողի վրա: Դա չի լինի հողի հանձնում աշխատավորներին: Բա կնշանակի միայն այն, որ յուրաքանչյուր տնտեսատեր հողի ազատ տնօրինողը կլինի: Հողի օգտագործման այս սխեմայի ցարական կալվածատիրական սխեմայից մի քայլ կլինի՝ դեպի առաջ, բայց ոչ հիմնական լուծում: Երկրորդ քայլը, որ առաջարկում էին թուլեկիները, դա կալվածատիրական ընդհանուր յուրաքանչյուր խոշոր տնտեսությունից օրինակելի տնտեսություններ կազմակերպելն էր, օգտագործելով կալվածատիրոջ լծկանը և ինվինտարը, տնտեսությունը վարելով գյուղատնտեսների ղեկավարութեամբ ու խորհուրդներով: Տերյանը գրում է, — «Որպեսզի հողից կարողանան օգտվել ոչ միայն ունեոր գյուղացիք, այլև ամենաշուկեմորները, նույնիսկ վարձկան մշակները, նրանք պիտի միանան և պահանջեն, որ խոշոր տնտեսություններ կազմակերպվեն խոշոր հողատիրական կալվածքներում, որի վրա հսկողություն պիտի ունենան նույն տնտեսության մեջ աշխատող բանվոր-գյուղացիք, որի համար պիտի գործադրվեն հողատեր-աղայից խլած գործիքներն ու մեքենաները և տնտեսությունը պիտի կառավարվի գիտուն գյուղատնտեսի ցուցմունքներով»²:

Վ. Ի. Լենինն ասում է, որ հողն աշխատավորներին հանձնելու համար կա մեկ հիմնական ուղի, դա հողի կոլեկտիվ և համայնական օգտագործման ուղին է:

¹ Վ. Տերյան, Երկեր, հատ. 4, էջ 310:

² Նույն տեղում, էջ 312:

Լենինը նախագրողապես էր, որ հողի հանրային օգտագործման այդ երկու ձևերի կիրառումը կհանդիպի շատ գծավորությունների և խոչընդոտների, որովհետև առանձին տնտեսությունների դարավոր սովորությունը միանգամից չի չքանա, կարհանջվի երկար ժամանակ նոր կյանքին, նոր հիմունքներին համակերպվելու համար։ Առանց հողի ընդհանուր մշակման գյուղատնտեսական բանվորների կողմից, լավագույն մեքենաների գործադրմամբ, ուսյալ գյուղատնտեսների ղեկավարությամբ, կապիտալիզմի լծից ազատվելու ուրիշ ելք չկա, գրում է Տերյանը։

Նա ընդգծում է Լենինի այն հանճարեղ միտքը, որ եթե մենք հին ձևով շարունակենք նստել մանր տնտեսությունների վրա, թեկուզ և որպես ազատ քաղաքացիներ ազատ հողի վրա, միևնույն է, մեզ անխուսափելի կորուստ է սպառնում, որովհետև ամեն օր, ամեն ժամ քայքայումը մոտենում է։

Մեկնարանելով Լենինի միտքը, նա ասում է. մենք գիտենք, որ Եվրոպայում շատ հեղափոխություններ են եղել, որոնք դեմոկրատական ուսպուրլիկաներ են հաստատել, մենք գիտենք, որ Ամերիկայում 1865 թ. ճորտատերերը պարտվեցին և հարյուրավոր միլիոն դեսյատին հող անցավ ժողովրդի ձեռքը և, չնայած դրան, ոչ մի տեղ կապիտալիզմը այնքան ճնշող չէ, որքան Ամերիկայում։ Եվ այդ գիտակցությունը, Եվրոպայի ու Ռուսաստանի մեծ փորձը և մեր կոմունիստական ուսմունքը բերել են մեզ այն եզրակացության, որ առանց հողի կոլեկտիվ մշակման գյուղատնտեսների ղեկավարությամբ, առանց նորագույն մեքենաների գործադրության, անհնար է ազատվել տիրող կապիտալիստական կարգերի ճնշող լծից։

«Իրերի ընթացքն այդ է պահանջում—պետք է համայնակամ տնտեսությամբ ձևերի անցնել։ Ուրիշ ելք չկա։»¹— եզրափակում է Տերյանը։

Նա ընդգծում է, որ միայն բանվոր դասակարգի և աշխատավոր գյուղացիության դաշինքի ամրապնդմամբ, և այդ դաշինքով ստեղծված բանվորների և գյուղացիների իշխանությունը, որը կհենվի ժողովրդական լայն մասսաների վստահության վրա, իսկական ժողովրդական իշխանություն կլինի և կկարողանա մտցնել պարտադիր աշխատանք ու կազմակերպել հանրային տնտեսություն։ Միայն այդպիսի իշխանությունը կարող կլինի վերջ տալ իմպերիալիստական պատերազմին և բուժել նրա հասցրած խորը վերքերը։

«Միայն այդպիսի իշխանությունը,—գրում է Տերյանը,—կարող է ազատություն տալ ազգերին և արգար կարգեր հաստատել Ռուսաստանում»²։

Վերը շարադրածից մենք տեսնում ենք, թե որպիսի կրքոտությամբ և անդրգլելի համոզմունքով է պաշտպանում Տերյանը Կոմունիստական պարտիայի ագրարային քաղաքականությունը, որը մշակել են պարտիան և սրա հանճարեղ առաջնորդ Վ. Ի. Լենինը։

Նա բախտ չունեցավ տեսնելու և մասնակցելու սովետական գյուղա-

¹ Վ. Տերյան, Երկեր, հատ. 4, էջ 310։

² Նույն տեղում, էջ 314։

ցիության հերոսական պայքարին և աշխատանքին, որ կատարվում էր պարտիայի ղեկավարութեամբ՝ գյուղի սոցիալիստական վերակառուցման լենինյան պատգամների կենսագործման համար: Գյուղի վերափոխման լենինյան պատգամները ռեյուցիոն ամենախոր հեղաշրջում էին, ինչպես միանգամայն գիտականորեն ըմբռնում և նախատեսում էր Տերյանը, գրելով. «Խսկ տնտեսական ձևերի փոփոխումն ավելի մեծ հեղափոխություն կլինի, քան թե այն հեղափոխությունը, որը Նիկոլային թախտից ցած գլորեց»¹:

Գյուղի արմատական վերափոխման շնորհիվ առաջացավ ամեն տեսակ շահագործումից ազատագրված գյուղացիություն, այնպիսի գյուղացիություն, որ դեռևս չէր տեսել մարդկության պատմությունը: Խրագործվեց Տերյանի հավատը, համոզմունքը և բաղձանքը՝ տեսնել հայ գյուղացուն ժպիտով և ուրախ, առանց թախծի ու դառն աղքատություն:

Ավարտելով աշխատությունը, Տերյանը կրկին վերագտնում է բոլշևիկների սկզբում գրածին և մատնացույց անում՝ «ահա, թե ի՞նչ է ասում Լենինը գյուղացիներին»:

Դիմելով հայ բանվորներին ու գյուղացիներին, Տերյանը գրում է.

«Հիմա դուք գիտեք, թե ով է պաշտպանում բոլոր բանվորներին և չունևոր գյուղացիներին, հիմա դուք գիտեք, թե ում հետ պիտի գնաք, որ ազատություն ու հող ձեռք բերեք: Հիմա դուք գիտեք, հայ գյուղացիներ, որ մեծամասնական (բոլշևիկ) կոմունիստների հետ միանալով՝ դուք միանում եք բոլոր երկրների պրոլետարների հետ, չունևորների, աշխատավորների հետ, իսկ երբ որ միանան բոլոր երկրների աշխատավոր չունևոր գյուղացիներն ու բանվորները, դուք գիտեք, թե որքան հզոր ու կարող կլինի այդ միությունը, որովհետև չէ՝ որ բոլոր մարդկության ճշնշող մեծամասնությունը աշխատավոր չունևոր գյուղացիներն ու բանվորներն են կազմում: Ահա թե ինչու պիտի միանաք ու ձեր ձայնը միացնեք համաշխարհային բանվորական ու աշխատավորական բազմության ձայնին — համաշխարհային ինտերնացիոնալին»²:

Այսպես է ավարտում Տերյանը այդ գողտրիկ և հստակ գրքույկը, որը կոչվում է «Ի՞նչ է ասում Լենինը գյուղացիներին»։ Այդ փայլուն աշխատությունը ցույց է տալիս, որ Տերյանը եղել է համոզված լենինյան, ձևավորված և հասուն մարքսիստ, որ կարողացել է գիտական կոմունիզմի ամենաբարդ հարցերի մեջ խորանալ և դրանք բացատրել հայ աշխատավորությանը:

* * *

Տերյանի մյուս կարևոր աշխատությունը «Նամակ հայ գյուղացիներին և բանվորներին» կոչն է:

Ինչպես մատնանշեցինք, նրա գրչին պատկանող այդ երկը պատմական մի փաստաթուղթ է, դա Աղգուծյունների գործերի ժողովրդական կոմիտեարիատին կից Հայկական գործերի կոմիտեարիատի կոչն է՝ ուղղված հայ բանվորներին և գյուղացիներին, որը գրել է Տերյանը, որպես Հայկա-

¹ Վ. Տերյան, Երկեր, հատ. 4, էջ 315:

² Նույն տեղում:

կան գործերի կոմիսարի տեղակալ։ Դոչ ու առաջին մասում անողոր քննադատության է ենթարկվում և դիմակադերձ արվում բուրժուազիայի կեղծիքն ու սուտը՝ պրոլետարիատի և աշխատավորության ընդունակությունների ու արժանիքների մասին։

1917 թ. Փետրվարյան ռեւոլյուցիայից հետո, հատկապես երկիշխանության շրջանում իմպերիալիստական բուրժուազիան և նրա ճառագայլները, բոլշևիկների և սովետների դեմ մղած իրենց կատաղի պայքարում առատորեն օգտագործում էին այն հին, վայրենի, ստոր, անհեթեթ նախապաշարմունքը, թե պրոլետարիատը և գյուղացիությունը անընդունակ են կառավարելու, որ իրր կառավարելու ընդունակությունները և շնորհքը տրված է միայն Վարձր դասակարգերին՝ կապիտալիստներին, կալվածատերերին և նրանց խնտելիզենցիային։

Նիկոլայի արյունոտ գահը տապալելուց հետո, նշում է Տերյանը, ամբողջ բուրժուազիան միաձայն գոռում էր այն մասին, որ իշխանությունը հանձնվի բարձր դասին։

Երր կազմվեց ժամանակավոր կառավարությունը՝ հողատեր ու փողատեր միւնիստրներից, այդ պարոնները չէին ցանկանում, որ հասարակ, աշխատավոր ժողովուրդը սովետների միջոցով ինքն իրեն կառավարի։

Դրանց կարծիքով, — գրում է Տերյանը, — ժողովուրդն ունակ չէ ինքն իրան գլխի տերը լինելու, ինքն իրան կառավարելու։ Դրանց կարծիքով ժողովրդի գլխին իշխան ու տեր պիտի կանգնեն հողատեր ու փողատեր ազաները, ապա աղնվականներն ու աղա առուտուրականները և այդ ազաներին ծառայող, նրանց սեղանից կերակրող և դրա համար աղաների շահը պաշտպանող պարոնները՝ Միլյուկովը, Լվովը, Կերենսկին և դրանց նմանները¹։

Տերյանը նշում է, որ դարավոր ստրկության և խավարի մեջ ապրելով, ժողովուրդը լավ էր հասկացել, որ թագավորին և նրա միւնիստրներին պետք է անհապաղ տապալել և տապալել էր, բայց նա դրանից հետո զգեստեր աղա հողատերերի, փողատերերի խորամանկությունները և հաճախ նրանց ասածը հալած յուզի տեղ էր ընդունում։ Փետրվարյան բուրժուազեմոկրատական ռեւոլյուցիայի շնորհիվ արթնացան և գեպի քաղաքակալությունը շարժվեցին միլիոնավոր մարդիկ, որոնք քաղաքականության մեջ անփորձ էին և այդ պատճառով գյուրահավատ՝ ինչպես ժամանակավոր կառավարության նկատմամբ, որը կազմվել էր ռեւոլյուցիայից հետո, այնպես էլ մենշևիկների և էսերների նկատմամբ, որոնք ջրի երես բարձրացան մանր բուրժուական տարերքի ալիքի ուժով։

Վրա համար, երբ Կերենսկին գուրս էր գալիս ու կուրծքը ծեծելով աղաղակում էր, թե ինքը ժողովրդի համար մեռած է, թե ինքը սոցիալիստ է, ժողովուրդը հավատում է և Կերենսկուն ժողովրդի լարեկամ համարում և դրա համար իշխանությունը արյունաբերու և բռնավոր թագավորի անկումից հետո մնում էր աղաների և նրանց ծառաների՝ Կերենսկու, Միլյուկովի, Չերնովի և նմանների ձեռքում²։

Դրանք բոլորը աշխատավոր ժողովրդի բարեկամ էին ձևանում,

¹ Վ. Տերյան, Երկեր, հատ. 4, էջ 320։

² Նույն տեղում, էջ 327։

որպեսզի ավելի հեշտ խարեն բանվորներին և գյուղացիներին: Դրանք բոլոր ժողովրդի կեղծ բարեկամներն էին, նրա ոխերիմ թշնամիները, որոնց հաջողում էր իրենց սոցիալիստ անվանող էսերների և մենշևիկների պարտիաների դավաճանության հետևանքով ժամանակավորապես մոլորության մեջ պահել ժողովրդի մի մասին:

Տերյանը հայ բանվորներին և գյուղացիներին ցույց է տալիս, որ ժողովրդի շահերի իսկական արտահայտիչը, պաշտպանը և այդ շահերի համար պայքարող միակ պարտիան բոլշևիկների պարտիան է ...բոլշևիկները, որոնք միշտ պատերազմի դեմ էին խոսում ու գրում, որոնք միշտ իշխանների, ազանների դեմ էին կոչում, որոնց թագավորական լիտի իշխանությունը հաղարներով կախաղան էր հանում ու սպանում, որոնց հաղարներով բանտ էր դնում ու Սիրիի աքսորում: Ահա այդ ժողովրդի իսկական բարեկամները, այդ ճշմարիտ և ոչ թե Չերնովի, Կերենսկու և դաշնակցականների նման կեղծ ու սուտ սոցիալիստները, սկսեցին բացատրել աշխատավոր ժողովրդին, որ իշխանությունը ժողովուրդին իր ձեռքը պիտի առնե և ոչ թե թողնե Կերենսկու, Պապաջանովի, Միլյուկովի և նմանների ձեռքում¹:

Բոլշևիկները սկսեցին բաց անել ժողովրդի աչքն ու միտքը, գրում է Տերյանը և ցույց տալ, որ հենց այդ պատճառով էլ ժամանակավոր կառավարությունը ամեն կերպ հալածում էր բոլշևիկներին, բոլշևիկների մասին տարածելով սեպար ու մի սուտ ու փուտ լուրեր:

Նա ցույց է տալիս, թե ինչպես քայլ առ քայլ մերկացնելով ժամանակավոր կառավարության իմպերիալիստական բնույթն ու հակաժողովրդական քաղաքականությունը, բոլշևիկների պարտիան ժողովրդին ավելի սեղմ շարքերով էր համախմբում իր շուրջը և նախապատրաստում ուղուցիտն մարտերին:

Բոլշևիկների կոմունիստական պարտիան (կուսակցությունը) քանի դեռաց ուժեղացավ, որովհետև գյուղացիք ու բանվորները ճանաչեցին իրենց իսկական բարեկամներին և սկսեցին նրանց շարքերը մտնել: Գյուղացիներն ու բանվորներն սկսեցին կազմակերպվել բոլշևիկների կոմունիստական պարտիայի (կուսակցության) ղեկավարությամբ: Քանի դեռաց աճեց, զորացավ այդ կազմակերպությունը: Եվ ահա հոկտեմբերին այդ կազմակերպությունն արդեն այնքան զորեղ էր, որ մի հարվածով դետին գլուխը իշխանության գահին բազմած ժողովրդի թշնամիներին՝ Կերենսկուն և իր բնկերներին:

Ահա թե որքան պարզ ու հասկանալի ձևով է բացատրել Տերյանը մարդկության կյանքում ամենաարմատական ուղուցիտայի նախապատրաստումը և հաղթանակը, ուղուցիտա, որը սկիզբ դրեց մարդկության զարգացման նոր դարաշրջանի: Խոսելով Հոկտեմբերյան ուղուցիտայի շնորհիվ ստեղծված Սովետական իշխանության բնույթի մասին, Տերյանը գրում է. «Պետերբուրգի և Մոսկվայի բանվորներն ու ղինվորները խորտակեցին ժողովրդի թշնամիների իշխանությունն ու այդպիսով իշխանությունն անցավ ժողովրդի իսկական բարեկամներին—ժողովրդի շահը պաշտպանողների ձեռքը, այսինքն իր՝ ժողովրդի միջից ընտրված բանվորների, չքավոր

¹ Վ. Տերյան, Երկեր, հատ. 4, էջ 327:

գյուղացիների ձեռքը, ահա թե ինչ է նշանակում խորհուրդների իշխանությունը (այսինքն գյուղացիներից, բանվորներից և ղինվորներից ընտրված խորհուրդների իշխանությունը)¹։

Տերյանը մեծ զայրույթով է արտահայտվում ժողովրդի այն երգվյալ թշնամիների նկատմամբ, որոնք ամենալիտի պրովոկացիաների և ստի միջոցով ցանկանում էին վարկարեկել Սովետական իշխանությունը ժողովրդի աչքում և վերականգնել բուրժուազիայի ու կալվածատերերի իշխանությունը։

«Որպիսի լրբություն—նրանք ուզում էին խաբել գյուղացիներին ու բանվորներին և այդ խաբված գյուղացիների ու բանվորների ուժի վրա հենված խել իշխանությունը բուրժուական գյուղացիական ու բանվորական կառավարության ձեռքից, իրանց ձեռքն առնել այդ իշխանությունն ու նորից քերթել ու ճնշել հասարակ, աշխատավոր ժողովրդին»։

Ուրիշ խոսքով այդ դավաճաններն ուզում էին խաբեբայությամբ ստիպել, որ գյուղացիք ու բանվորները իրանց ձեռքով իրանց տունը քանդեն»²։

Տերյանը ցույց է տալիս, որ եթե առաջ ուսական իմպերիալիստական բուրժուազիան, կոնտրոկոլյուցիոն ու համաձայնողական պարտիաները կանգնած լինելով պետական իշխանության ղեկի մոտ, սանձում էին ծայրամասերի ազգային բուրժուազիայի անջատողական ձգտումներն ու փորձերը, ապա Հոկտեմբերյան ռեոլյուցիայից հետո, Սովետական իշխանության ուժերը ջլատելու և նրա դեմ պայքարը հեշտացնելու նպատակով ամեն կերպ աջակցում էին ծայրամասերի անջատմանը Սովետական Ռուսաստանից։

«Եվ ահա տեսեք որպիսի զարմանալի բան,—գրում է Տերյանը,—այդ Միլյուկովներն ու Կերենսկիները, Ջիլեիսկիներն ու Ծերեթելիները, որոնք առաջ միշտ կրկնում, աղաղակում էին, թե Ռուսաստանը պետք է մեկ լինի և անբաժան, այն օրից, երբ իշխանությունը գյուղացիական ու բանվորական խորհուրդների ձեռքն անցավ, սկսեցին քարոզել, թե պետք է Ռուսաստանից բաժանվել, պետք է Ուկրաինան, Դոնը, Կուրանը, Գովկասը անկախ հայտարարել, իբր թե ազդերն ազատելու համար»³։

Տերյանը ոգևորված նկարագրելով կոնտրոկոլյուցիայի ուժերի առաջին փորձերի ջախջախումը երիտասարդ Սովետական իշխանության կողմից, անցնում է անդրկովկասյան կոնտրոկոլյուցիոն պարտիաների մերկացմանը, որոնք հանդիսանում էին ինչպես ուսական բուրժուազիայի հենարանը Կովկասում, այնպես էլ անդլո-ամերիկյան ու գերմանա-թյուրքական իմպերիալիզմի գործակալները։

Հոկտեմբերյան սոցիալիստական Մեծ ռեոլյուցիան Պետրոգրադից ու Մոսկվայից սկսեց արագորեն տարածվել ամբողջ երկրում։ Խորհուրդների իշխանությունը,—նշում է Տերյանը,—քանի գնում զորանում էր ու տարածվում ողջ Ռուսաստանում։

Սովետական իշխանության հաղթական երթը հասավ նաև Անդրկովկաս։

¹ Վ. Տերյան, Ծրվեր, հատ. 4, էջ 328։

² Նույն տեղում, էջ 329։

³ Նույն տեղում։

«Կոմկասում ևս սկսվեց քիչ-քիչ հաստատվել բանվորական ու զինվորական խորհուրդների իշխանությունը: Բաքվում, ուր բանվորները շատ կազմակերպված ու աչքարաց էին, իսկույն իշխանությունն իրանց ձեռքն առան, ընտրեցին բանվորական և զինվորական խորհուրդ, որն սկսեց կառավարել քաղաքն ու մտցնել Պետերբուրգի խորհուրդների հրատարակած նոր օրենքները»¹:

Անդրկովկասում ունեւորեցին շարժումների արագ տարածումը կատաղեցնում էր կոնտրոլուցիոն պարտիաներին՝ մենշևիկներին, մուսավաթականներին, դաշնակներին, էսերներին: Նրանք, օտարերկրյա իմպերիալիստների այդ լակեյները, ստեղծեցին հակասովետական բոլկ և կատաղի պայքար սկսեցին Սովետական Ռուսաստանի ու Անդրկովկասի ունեւորեցին բանվորների և գյուղացիների դեմ:

Բնութագրելով Անդրկովկասի նացիոնալիստական պարտիաներից կազմված կառավարությունների կոնտրոլուցիոն բնույթը, Տերյանը գրում է.

«Բայց Բաքվից այն կողմը դեպի Թիֆլիզ, Երևան, Գանձակ իշխանությունն իրանց ձեռքն էին առել թուրք բեգերի շանը պաշտպանող մուսավաթ կուսակցությունը, վրացի ազնվականների օգուտը պաշտպանող մենշևիկներն ու հայ սուտ սոցիալիստ հայ գյուղացու պաշտպան ձեռքող կարճիկյանների կարճատես կուսակցությունը, այսինքն հայ հակահեղափոխական դաշնակցությունը»²:

Տերյանը խոր ատելութամբ և գայրույթով մերկացրեց Անդրկովկասյան կոնտրոլուցիոններների սուտն ու պրոպագանդան Սովետական իշխանության դեմ, պրոպագանդա, որի ծխափուռու մեջ ոճրագործների այդ շայկան ցանկանում էր թաքցնել իր սև գործը:

Տերյանը լավատեղյակ լինելով Անդրկովկասի դեպքերին, մերկացնում է Անդրկովկասի «կառավարիչներին» ոճրագործությունների շարանը՝ հատկապես 1918 թ. Շամխորում Սովետական Ռուսաստան վերադարձող ռուս ունեւորեցին զինվորների էջելոնների վրա բեգերի կատարած ավազակային հարձակումները և գազանային կոտորածը, որ կազմակերպվել էր Ժորդանիայի, Չխենկելու և Անդրկովկասի մյուս կոնտրոլուցիոններների համաձայնութամբ, սակայն, որը նրանք խնամքով փորձում էին թաքցնել ժողովրդից: Տերյանը այդ մասին գրում է.

«Ով չգիտե, որ ընդհակառակը իրանք այդ խաների ու բեգերի հետ բարեկամ դարձած, վրացի մենշևիկներն ու դաշնակցականներն էին, որ Կովկասում անկարգություն ու իրարանցում մտցրին, դրանք էին, որ զինեցին բեգերի զնդերը և այն ժամանակ, երբ իրանք Թիֆլիզում բեգերի հետ նստած խորհուրդ էին անում, թե ինչպես բոլշևիկներին ջնջեն, ահա հենց այդ ժամանակ Բաքվի ճանապարհի վրա նույն բեգերի ձեռքով ու իրանց օգնությամբ կազմված ու զինված խմբերը կոտորում էին անցնող ռուս զինվորներին, հայ ճանապարհորդներին և խաղաղ մալական գյուղացիներին»³:

¹ Վ. Տերյան, Երկեր, հատ. 4, էջ 330:

² Նույն տեղում:

³ Նույն տեղում, էջ 331:

Անդրկովկասի ժողովուրդների ցանկության և ձգտումներին հակառակ, Անդրկովկասյան սեյմը գերմանա-թյուրքական և անգլո-ամերիկյան ավազակ իմպերիալիստների կամքով 1918 թ. ապրիլի 22-ին իրավարանորեն ձևակերպեց Անդրկովկասի անջատումը Սովետական Ռուսաստանից։ Այդ չտեսնված դավաճանական ակտով Անդրկովկասը փաստորեն դրվում էր թյուրքական ենիչեիների արյունոտ սրի տակ։

Տերյանը խորը ատելությամբ և զայրույթով է արտահայտվում Անդրկովկասի աշխատավորների նկատմամբ կատարված այդ ծանր ոճրագործության մասին։

«Եվ մի տգեղ օր, մի զգլիլի օր դավաճանները Կովկասը Ռուսաստանից անկախ հայտարարեցին, կտրեցին Ռուսաստանից¹։ Մերկացնելով թյուրքական ջարդարարների հայաջինջ, հայակեր քաղաքականությունը, Տերյանը մեծ ատելությունը սրտում գրում է.

«... Տաճկաստանն էլ հենց այդ էր ուզում. Երբ նա տեսավ, որ պաշտոնապես Կովկասը կտրվեց Ռուսաստանից, իսկույն և եթ զորքը շարժեց առաջ և դրավեց Կովկասի հայաբնակ երկրները։ Տաճկաստանն այսպես ասաց՝ քանի որ դուք Ռուսաստանից անկախ պետություն եք, ուրեմն իմ Ռուսաստանի հետ կապած պայմանները (նկատի ունի Իրեստ-Լիտովսկի հաշտության պայմանագիրը, որը կնքվել է 1918 թ. մարտին—Ս. Ա.) ձեզ չեն վերաբերվում, ուրեմն ջուրն են ընկնում այդ պայմանները։

Իսկ այդ պայմանում ասված էր, որ Թյուրքիան Ղարսից դենն անցնելու իրավունք չունի։ Այժմ, երբ Կովկասը անկախ է, ասաց Թյուրքիան, Ռուսաստանի հետ կապած պայմանն իր ուժը կորցնում է և դրա համար մենք պահանջում ենք, որ թույլ տաք մեր զորքը մտցնելու Երևան, Ալեքսանդրապոլ, Ախալքալակ և այլն։ Ահա թե ինչպես հայ աշխատավոր ժողովրդի տունը քանդեցին ժողովրդին բարեկամ ձեացող դաշնակցականները, միանալով թյուրք մուսավաթական բեգերի և դավաճան մենշևիկների հետ»։

Այսպես է մերկացնում Տերյանը Անդրկովկասի կոնտրոլյուցիոներներին և նրանց օտարերկրյա տերերին որպես Սովետական Ռուսաստանի և Անդրկովկասի ժողովուրդների երդվյալ թշնամիներին։

Այստեղ մենք տեսնում ենք ոչ միայն բոցաշունչ պրոպագանդիստ, այլև քաղաքագետ Վահան Տերյանին, որը բոլշևիկյան պարտիայի դիրքերից դիպուկ կերպով մերկացնում և ճիշտ կերպով գնահատում է Կովկասյան կոնտրոլյուցիոներներին, ճիշտ է բնորոշում Անդրկովկասում տեղի ունեցող դեպքերն ու ստեղծված դրությունը և միաժամանակ հայ բանվորներին ցույց է տալիս այդ դրությունից դուրս գալու ճիշտ ուղին։

Տերյանը հարց է տալիս, բայց թի՛չ անել այժմ, եթե թյուրքական հորդաները խուժել են հայկական գավառները և մահացու վտանգի մեջ դրել հայ աշխատավոր գյուղացուն և բանվորին։

«Մենք, հայ բոլշևիկներս չենք կարող անտարբեր մնալ, երբ վտանգի է ենթարկված հայ աշխատավոր գյուղացու և բանվորի կյանքը, որովհետև

¹ Վ. Տերյան, Ծրկեր, հատ. 4, էջ 332։

² Նույն տեղում։

չէ՞ որ մեր Կոմունիստական պարտիան (կուսակցությունը) չունենոր գյուղացիների և բանվորների կուսակցությունն է՞»:

Տերյանը ընդգծում է, որ նախ և առաջ պետք է բանալ հայ ժողովրդի աչքը և ցույց տալ նրա իսկական թշնամուն, որը նրան քշել է այդ կոշմարի մեջ:

Այնուհետև ինչպես և առաջ, պիտի կրկնել ու պնդել, որ հայ աշխատավոր գյուղացու և բանվորի միակ բարեկամը Ռուսաստանի բանվորն ու գյուղացին է և այդ գյուղացիների ու բանվորների շահը պաշտպանող, նրանց ձեռքով հաստատված Սովետական իշխանությունն է:

Տերյանը բազմաթիվ անգամ կրկնում է այդ նույն միտքը, նա ասում է, որ պետք է նորից ու նորից կոչ անել հայ գյուղացիներին ու բանվորներին, որ միանան Ռուսաստանի բանվորների ու գյուղացիների բոլշևիկյան պարտիային, Ռուսաստանի բանվորական և գյուղացիական, Սովետական կառավարության ուղղությամբ գնդերին:

Այդ է փրկության միակ ճիշտ ուղին:

Տերյանը համոզում էր Հայաստանի ողջ աշխատավորությանը, որ հայ ժողովրդի ազատագրումը, նրա բախտը սերտորեն կապված է Սովետական Ռուսաստանի հզորության հետ:

«Մենք միշտ քարոզել ենք, և այժմ էլ պիտի անդադար քարոզենք, որ հայ աշխատավոր ժողովրդի փրկությունը Ռուսաստանի Բանվորական և Գյուղացիական հորհուրդների իշխանության հզորության մեջ է»:

Ուրբեր դեմ էին Սովետական իշխանության, Տերյանը համարում էր պալաճաններ, ժողովրդի ամենաոխերիմ թշնամիներ: Հայկական գործերի կոմիսարիատի այդ կոչում, Սովետական իշխանության և Կոմունիստական պարտիայի անունից հայ ժողովրդին դիմում և կոչ էր անում:

«Եվ անա մենք հայ կոմունիստ բոլշևիկներն կոչ ենք անում ձեզ հայ գյուղացիներ և հայ բանվորներ՝ միացե՛ք Ռուսաստանի խորհուրդների կարմիր գնդերին, ուժ տվե՛ք նրանց, որովհետև բանվորական և գյուղացիական Ռուսաստանի սոցիալիստական կարմիր գնդերն են, որ պիտի մի գեղեցիկ օր եղբայրական ձեռք մեկնեն տանջված ու կեղեքված մահացու վտանգի մեջ գտնվող հայ գյուղացուն ու բանվորին, միայն Ռուսաստանի Բանվորական և Գյուղացիական հորհուրդների իշխանության կարմիր գնդերն են, որ կարող կլինեն ազատություն սվետել արյունաներկ երկրին»³ (Ընդգծումը մերն է—Ս. Ա.):

Այսպես էլ եղավ...

Ռուս բանվորների և գյուղացիների ուղղությամբ կարմիր գնդերը ժողկոմսովետի նախագահ Վ. Ի. Լենինի և Ազգությունների գործերի ժողովրդական կոմիսար Ի. Վ. Ստալինի ցուցումներով եղբայրական ձեռք մեկնեցին «տանջված ու կեղեքված», մահացու վտանգի մեջ գտնվող հայ ժողովրդին և ընդմիշտ ազատություն ավետեցին «արյունաներկ երկրին»:

Բայց անգույն մահը արդեն կտրել էր Տերյանի կյանքի թելը և նա բախտ չունեցավ տեսնելու այդ գեղեցիկ և բաղձալի օրը, որին նվիրաբե-

¹ Վ. Տերյան, Երկեր, հատ. 4, էջ 332:

² Նույն տեղում, էջ 333:

³ Նույն տեղում:

րեց իր կարճ, բայց կրակոտ կյանքը: «Տերյանն այսուհետև անբաժանելի է պրոլետարիատից և մասնավորապես հայ աշխատավորից: Նրա համար նա աշխատեց երկար ժամանակ, նրա համար նա կովեց և կովում ստացավ մահացու վերք: Մինչև վերջին շունչը նա ֆնաց պրոլետարիատին հավատարիմ» (Ա. Մյասնիկյան)¹:

* * *

Վ. Տերյանի գրչին է պատկանում «Զեկուցագիր Թյուրքահայաստանի մասին» պատմական փաստաթուղթը, որի մեջ նա՝ մերկացնելով հայ ժողովրդի բոլոր թշնամիներին, ցույց է տալիս, որ հայ ժողովրդի ազատագրումը հնարավոր դարձավ միայն Հոկտեմբերյան սոցիալիստական Մեծ ուղեւորի շնորհիվ, որ «միայն բանվորա-գյուղացիական ուղեւորիան և՛ բանվորների և՛ աղքատ գյուղացիների կառավարության ստեղծումը ճիշտ է ազատություն բերել հայ ժողովրդին և բուժել նրա վերքերը», մենք միշտ մատնացույց ենք արել այս բանը հայ գյուղացիների և բանվորների մասսաներին», — գրում է Տերյանը:

Վերը հիշված աշխատությունները Հայկական գործերի կոմիսարիատի կողմից ուղարկվող գրականության միջոցով ոչ միայն տարածվում էին Սովետական Ռուսաստանի տերիտորիայում բնակվող հայ աշխատավորության մեջ, այլև հասնում էին Հայաստանի աշխատավորությանը, որը տընքում էր դաշնակցության դաժան լծի տակ:

Բայց Վ. Տերյանի գործունեությունը որպես Հոկտեմբերյան ուղեւորի պրոպագանդիստի, դրանով չի սահմանափակվում:

Տերյանը ուղեւորի հանճար Լենինի վեհ գաղափարները հայ ժողովրդի մեջ տարածելու նպատակով ձեռնարկեց Լենինի երկերի թարգմանությունը, սակայն հնարավորություն ունեցավ թարգմանելու միայն նրա «Պետություն և ուղեւորի» ու «Գ. Մարքսի կենսագրություն» աշխատությունները:

Տերյանը որպես Հայկական գործերի կոմիսարի տեղակալ, Կոմունիստական պարտիայի և Սովետական իշխանության գաղափարները հայ աշխատավորության մեջ լայն տարածելու նպատակով կազմակերպեց և ծավալեց այդ կոմիսարիատի հրատարակչական վիթխարի գործունեությունը, որն առանձին հոգվածի նյութ է:

¹ ԼԵՆԻՆ. Պետություն և հեղափոխություն (Թարգմ. Վ. Տերյան), Մոսկվա, 1921, էջ 146: